

BOSNA I HERCEGOVINA  
FEDERACIJA BOSNE I HERCEGOVINE  
TUZLANSKI KANTON  
Kantonalna uprava za inspekcijske poslove  
Broj: 17/4-III-27-25- /08  
Tuzla, 20.03.2008.godine

Na osnovu člana 126. Zakona o organizaciji organa u Federaciji Bosne i Hercegovine („službene novine FBiH“ broj 35/05) i člana 79. i 85. stav 1. tačka 2. Zakona o cestovnom prijevozu Federacije Bosne i hercegovine („Sl. Novine FBiH“ broj 28/06) kantonalni saobraćajni inspektor d o n o s i

## R J E Š E N J E O OTKLANJANJU NEDOSTATAKA NA TAXI STAJALIŠTIMA

**NAREĐUJE SE: Organu uprave Opštine Tuzla, opštinskoj službi za komunalne poslove, da otkloni nedostatke u uređenju i održavanju TAXI stajališta na području Opštine Tuzla, obzirom na Nalaz inspektora, iz zapisnika i Pregleda (u prilogu) za svako pojedino Taxi stajalište u opštini Tuzla (prema Spisku javnih Taxi stajališta Opštine Tuzla – uređenje i održavanje Taxi stajališta, iz Ministarstva trgovine, turizma i saobraćaja TK, broj 01/4-27-SI/08 od 17.03.2008.godine), u vezi sa članom 42. Zakona o cestovnom prevozu FBiH („sl.novine FBiH“ broj 28/06) odnosno da postupi u skladu sa članom 13. Pravilnika o organizaciji i načinu obavljanja Taxi prijevoza osoba na području Tuzlanskog Kantona („sl. Novine TK“ broj 1/07).**

Rok za otklanjanje utvrđenih nedostataka je 90 (devedeset) dana.

## O B R A Z L O Ž E N J E

Prilikom inspekcijskog nadzora i uvida u stanje javnih Taxi stajališta Opštine Tuzla, izvršenog od 17.03.2008.godine do 19.03.2008.godine, u prisustvu predstavnika Ministarstva trgovine, turizma i saobraćaja TK (g-din Ibro Paočić i g-din Almir Jusić, dipl.ing.saobr.), kantonalni saobraćajni inspektor Mr.sci. Zlatko Kovačević, dipl.ing.saobraćaja, obišao je i napravio Zapisnike o stanju svakog pojedinog Taxi stajališta – sa Spiska javnih Taxi stajališta Opštine Tuzla (Uređenje i održavanje taxi stajališta) broj 01/4-27-SI/08 od 17.03.2008.godine, na kome se nalazi – po rednom broju 31 taxi stajalište sa planiranim ukupnim kapacitetom za 2008.godinu od 320 taxi vozila.

Za bar djelimično obilježena Taxi stajališta izvršeno je i fotografisanje stanja uređenja i signalizacije, a nameće se zaključak da nijedno taxi stajalište nije označeno – obilježeno propisanom vertikalnom i horizontalnom signalizacijom – kako je to naglašeno u čl.13. Pravilnika o organizaciji i načinu obavljanja Taxi prijevoza osoba na području TK (sl.novine TK, broj 1/07).

Uočeno je jedno „novo“ obilježeno taxi stajalište – kod Pozorišta, na nebezbednom mjestu, koje ne koriste taxi vozila prije svega zbog uzurpiranja od strane putničkih vozila građana, koje se ne nalazi na pomenutom spisku. Takođe, iako imaju na pomenutom spisku, taxi stajalište u Lipnici (broj 22) nije locirano, a taxi stajališta: broj 05 (Brčanska Malta), broj 31 (hotel Bristol), broj 11 (Mejdan), broj 16 (Stadion Tušanj), broj 21 (Carina Miladije), broj 17 (Batva-F.J. Španca), broj 30 (Merkator) i broj 24 (Simin Han „R“) nisu obilježena.

Na ostalim Taxi stajalištima u Opštini Tuzla ima tragova signalizacije, ali je ista ili nepotpuna ili uništena ili istrošena, a na većini Taxi stajališta nema taxi vozila. Uočeno je da se redovno koristi samo 8 (osam) taxi stajališta (broj 01, 03, 04, 05, 07, 08, 29 i 12).

Taxi stajalište broj 02 (Trg slobode – pijaca) nije u upotrebi kako je planirano, ograđeno je zaštitnom ogradom gradilišta, a preostala površina na kolovozu nije bezbedna za novu organizaciju Taxi stajališta.

Taxi stajalište broj 23 (Dokanj) nalazi se u sred raskrsnice puteva Tuzla-Breške-Čelić, gdje se nameće i problem bezbjednosti učasnika u saobraćaju.

Na nepotpuno obilježenim Taxi stajalištima broj: 02 (Trg slobode-pijaca), 26 (Petlja Š. Brod), 19 (Bolnica Kreka) i 23 (Dokanj) nije uređena podloga – tako da i nije moguće označavanje Horizontalne signalizacije u postojećem stanju.

Generalno, nameće se zaključak – da se uređenju Taxi stajališta treba pristupiti organizovanije, da treba uraditi projektnu dokumentaciju neophodnu za izvođenje i održavanje vertikalne i horizontalne signalizacije u skladu sa Zakonom o bezbjednosti saobraćaja na putevima (i drugim propisima), da se izboru i kapacitetu Taxi stajališta treba posvetiti veća pažnja (obzirom da je uočeno da na Taxi stajalištima sa spiska nema dovoljno mjesta za nazivni kapacitet – jer za jedno vozilo treba obezbijediti 5+5=10 m dužine uređene i označene površine, da većina Taxi stajališta nije u upotrebi iz raznih razloga, odnosno da taxi vozila ne rade u skladu sa dobijenim Rješenjima o Taxi stajalištima.

Održavanje Taxi stajališta vrši opštinska služba na čijem se području nalaze (član 14. Pravilnika), tako da se nameće i zaključak da redovno, periodično treba kontrolisati i obnavljati „istrošenu“ – izbrisanu ili oštećenu signalizaciju.

Na osnovu svega izloženog, odlučeno je kao u dispozitivu ovog Rješenja.

Ukoliko se ne ispoštuje ovo Rješenje, poduzet će se druge mjere u skladu sa Zakonom o cestovnom prevozu FBiH.

**Uputstvo o pravnom lijeku:** Protiv ovog rješenja može se, u roku od 8 (osam) dana od dana prijema rješenja, izjaviti žalba direktoru Federalne uprave za inspeksijske poslove u Sarajevu, ul.Turhanija br.2. Žalba se podnosi pismeno putem ove Uprave, a taksira se sa 10 KM administrativne taxe, ili uplatom na račun budžeta TK broj 1321000256000080, vrsta prihoda 722121 na osnovu Zakona o kantonalnim administrativnim taksama.

**PRILOG:**

- Zapisnici od broja 17/4-III-27-25-73/08 od 17.03.2008.godine do broja 17/4-III-27-25-103/08 od 18.03.2008.godine, sa odgovarajućom fotodokumentacijom, i
- Tabela pregled stanja taxi stajališta Opštine Tuzla, na dan 17. i 18.03.2008.godine.

**DOSTAVLJENO:**

1x imenovanom organu  
1x Ministarstvu TTS TK  
1x Evidenciji  
1x Arhiva

KANTONALNI SAOBRAĆAJNI INSPEKTOR

\_\_\_\_\_  
/Mr.sci. Zlatko Kovačević, dipl.ing.saobr./